

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԷՍ-2019/22, 15.02.2019թ.

**Բողոք բերող անձ՝** «ՄԵԳԻԷԼ» ՍՊԸ

**Պատվիրատու** ԳՅՈՒՄՐՈՒ ԲԺՇԿԱԿԱՆ ԿԵՆՏՐՈՆ ՓԲԸ

**Ընթացակարգի ծածկագիրը՝** «ԳԲԿ-ԷԱՃԱՊՁԲ-19/5» ծածկագրով էլեկտրոնային աճուրդ

**Գնման առարկա** Բժշկական պարագաների և սարքավորումների ձեռքբերում

**Բողոքի պահանջը՝**

Համաձայն «Գնումների մասին» ՀՀ օրենքի 50-րդ հոդվածի 7-րդ մասի՝ «ԳՅՈՒՄՐՈՒ ԲԺՇԿԱԿԱՆ ԿԵՆՏՐՈՆ» ՓԲ ընկերությանը պարտավորեցնել չկայացած համարելու «ԳԲԿ-ԷԱՃԱՊՁԲ-19/5» ծածկագրով էլեկտրոնային աճուրդը:

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գնումների հետ կապված բողոքներ քննող անձին  
Հասցե՝ Մելիք Աղամյան 1, Երևան քաղ.

Բողոք բերող անձ՝ «Մեգիել» ՍՊԸ  
Տնօրեն՝ Սամվել Փարիզյան  
Հասցե՝ Դ. Դեմիրճյան 40, Երևան քաղ.  
Հեռ. 010-565476, 091-412436  
Էլ. փոստ՝ [office@megiel.am](mailto:office@megiel.am)

Պատվիրատու՝ «Գյումրու բժշկական կենտրոն ՓԲԸ»  
Հասցե՝ Գ.Աժդեհ 3/3, Գյումրի քաղ., Շիրակի մարզ, ՀՀ

Գնման ընթացակարգի ծածկագիրը՝  
«Գյումրու բժշկական կենտրոնի կարիքների համար  
բժշկական պարագաների և սարքավորումների ձեռքբերման  
ԳԲԿ-ԷԱՃԱՊԶԲ-19/5 ծածկագրով հրավեր»

## Բ Ո Ղ Ո Ք

### 1. Վեճի առարկան.

1.1 «Գյումրու բժշկական կենտրոն» ՓԲ ընկերության կողմից հայտարարվել է ԳԲԿ-ԷԱՃԱՊԶԲ-19/5 ծածկագրով գնման ընթացակարգ:

1.2 ԳԲԿ-ԷԱՃԱՊԶԲ-19/5 ծածկագրով հրավերը հրապարակվել է 08.02.2019թ:

1.3 Հայտերը ներկայացնելու վերջնաժամկետը՝ 15.02.2019թ, ժամը՝ 14:00:

1.4 Հակադարձ աճուրդ՝ 18.02.2019թ:

1.5 ԳԲԿ-ԷԱՃԱՊԶԲ-19/5 ծածկագրով գնմանը մասնակցելու նպատակով «Մեգիել» ՍՊ ընկերությունը (հետագայում՝ ընկերություն) ուսումնասիրելով հրավերը՝ տեխնիկական բնութագրում արձանագրել է անհամապատասխանություն «Գնումների մասին» ՀՀ օրենքի կարգավորումների հետ եւ պարզաբանման նպատակով հարցադրում էր ներկայացվել հրավերի տեխնիկական բնութագրի 42-47-րդ չափարաժիհների վերաբերյալ

1.6 Հարցադրումների վերաբերյալ տրվել են պատասխաններ, որոնք այնուամենայնիվ ըստ էության չեն պարզաբանում տեխնիկական բնութագրերում առկա անհստակությունը եւ չեն ապահովում ներկայացվող պահանջների հստակ բնութագիր, որոնք տարբերակման հիմքեր չներառեն:

ՄԵԳԻԵԼ
ՍՊԸ
ՄՈՒՐ Կ 6165-19 1
5 15 02 19



2. Բողոքի փաստական և իրավական հիմքերը.

«Գնումների մասին» ՀՀ օրենքի (հետայսու՝ Օրենք) 3-րդ հոդվածի 1-ին մասի 2-րդ կետի համաձայն Օրենքի նպատակն է ի թիվս այլի «գնումների և գնումների գործընթացի տնտեսող, արդյունավետ և օգտավետ իրականացումը:»

Համաձայն Օրենքի 3-րդ հոդվածի 2-րդ մասի «Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:»

Համաձայն օրենքի 13-րդ հոդվածի «1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, բնոգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ սպասեցվեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործատությանին (ֆունկցիոնալ) նկարագրեր, որոնք պետք է



*ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:»*

Ակառի ունենալով, որ հրավերի տեխնիկական բնութագրերում անհրաժեշտ բժշկական պարագաների նկարագրի ձևակերպումը հստակ ներկայացված չէ, ընկերությունը հանդես է եկել հարցադրմամբ: Ներկայացված պարզաբանումների ուսումնասիրությունից չենք կարող արձանագրել, որ պատվիրատուն տվել է ճշգրիտ, հստակ նկարագիր՝ պահանջվող պարագայի վերաբերյալ:

Հարցադրում - *տալ պարզաբանում 42-47 չափաբաժինների մասով, քանի որ Ձեր կողմից ներկայացված տեխնիկական բնութագրերում նշված է ընդհանուր նկարագիր և օգտագործելով «ըստ պատվիրատուի պահանջի» եզրույթը խտրականություն և դնում մյուս մասնակիցների նկատմամբ, մեկ կամ մի քանի կարելանյութերի չափերի մասնակցությանը մինչդեռ կան արտադրողներ որոնք չունեն Ձեր կողմից պահանջվող վիրաբուժական կարելանյութերի 1 չափաբաժնով նշված ամբողջական տեսականին: Ուստի ինդրում ենք Ձեզ առանձնացնել բոլոր չափաբաժինները:*

Պարզաբանում - *42 և 43 չափաբաժինները նշված են համապատասխանաբար 3/0 և 4/0, թելի երկարության չափը ցանկայի է գրված երկարություններից, բայց պարտադիր չէ: 44-47 չափաբաժինները նշված են միասին, քանի որ բոլոր նշված համարների առկայությունը ցանկայի է, բայց պարտադիր չէ:*

Ինչպես հրավերում, այնպես էլ ներկայացված պարզաբանումներով պատվիրատուն չի ղեկավարվել վերոհիշյալ օրենքի նորմերով եւ մասնակիցներին ճշգրիտ ընկալելու հնարավորությունից զրկում է նրանում արտահայտված այն ձեռակերպումներով, որ «ցանկայի է, բայց պարտադիր չէ»: Ուստի երկայան պատվիրատուի կողմից չի տրվել հստակ, ճշգրիտ պարզաբանում նկարագրերի վերաբերյալ:

Օրինակ՝ 44-47-րդ, չափաբաժիններում թելերի հաստությունը, երկարությունը ասեղի ձևը նշված է մի քանի տարբեր չափերի, որը սահմանափակում է մեկ կամ մի քանի չափորոշիչներով տվյալ չափաբաժնի մասնակցությանը դրանցից յուրաքանչյուրն ունի տարբեր գնային կարգավորում: Ներկայացված հրավերի բնութագրով ճշգրիտ ընկալել գնային կարգավորումը հնարավոր չէ:

Սա վկայում է այն մասին, որ պատվիրատուի ներկայացրած տեխնիկական բնութագրերը չեն համապատասխանում օրենքով սահմանված նորմերին և հայտատուի համար ստեղծում են ապակողմնորոշող իրավիճակ:

Պատվիրատուի պարզաբանումներից կարող ենք ընկալել, որ տեխնիկական բնութագրերը ներկայացվել են հայեցողական մոտեցմամբ:

Վիճարկվող հրավերով մասնակցությունը ըստ երկայան առաջացնում է մրցակցության համար չիմնավորված խոչընդոտներ:

22 կառավարության 04.05.2017թ թիվ 526-Ն որոշման 22-րդ կետը սահմանում է, որ «Գնման առարկայի բնութագրերը և մասնակիցների որակավորման հատկանիշների գնահատմանը ներկայացվող չափանիշները սահմանելիս պետք է



հաշվի առնել, որ դրանց պետք է բավարարեն մեկից ավելի հնարավոր մասնակիցներ...»:

Պատվիրատուն օրենքին անհամապատասխան հրավեր ներկայացնելով սահմանափակում է հնարավոր հայտատու մասնակիցներին մասնակցելու հայտարարված գնման ընթացակարգին:

Իրավական նորմերի խախտմամբ կազմված եւ ներկայացված հրավերը չի կարող ապահովել գնումների այն ընթացակարգը, որը նախատեսել է օրենսդիրը «Գնումների մասին» ՀՀ օրենքով եւ դրանց իրականացվան համար ընդունված իրավական ակտերով (ՀՀ կառավարության որոշումներ):

### 3. Պահանջ.

3.1. Համաձայն «Գնումների մասին» ՀՀ օրենքի 50-րդ հոդվածի 7-րդ մասի՝ «Գյուճարու բժշկական կենտրոն» ՓԲ ընկերությանը պարտավորեցնել չկայացած համարելու ԳԲԿ-ԷԱՃԱՊՁԲ-19/5 ծածկագրով գնման ընթացակարգը:

3.2 Օրենքի 50-րդ հոդվածի 1-ին մասի 6-րդ կետի համաձայն՝ բողոքը բավարարվելու դեպքում վերադարձնել բողոքի քննության համար նախատեսված վճարը:

Կից ներկայացվում են.

1. Անձը հաստատող փաստաթղթի պատճեն,
2. բողոք ներկայացնելու համար վճարման անդորրագրի պատճեն,

«Մեզիկ» ՍՊԸ  
Տնօրեն Սամվել Փարիզյան  
15 փետրվար, 2019թ

